

UGOVOR O MEĐUSOBNOJ POSLOVNOJ SARADNJI

Zaključen u Sarajevu, dana 29.12. 2017. godine između:

1. **JU Centar za odgoj, obrazovanje i rehabilitaciju „Vladimir Nazor“ Sarajevo**, ul. Azize Šaćirbegović br. 80, ID broj 4200163290000, koju zastupa mr.sci. Mersudin Kadrić v.d., direktor Centra (u daljem tekstu: Kupac)
2. **„TREVIS“ d.o.o Sarajevo, Radnička bb**, JIB 4600290080004 PDV broj 600290080004 kojeg zastupa LESA BEŠIREVIĆ, direktor (u daljem tekstu: Dobavljač)

I PREDMET UGOVORA

Član 1.

Predmet ovog Ugovora je promet robe iz registrovane djelatnosti Dobavljača. Ugovorne strane su se sporazumjele da Prodavac prodaje proizvode iz svoga asortimana Kupcu, a po opštim i posebnim uslovima regulisanim ovim ugovorom.

II ISPORUKA ROBE

Član 2.

Isporuka robe se vrši na adresu Kupca, a po osnovu narudžbe sa preciznom specifikacijom potpisanom i ovjerenom pečatom škole.

Dobavljač se obavezuje da će Kupcu isporučiti proizvode za koje je registrovan, čiji kvalitet mora odgovarati važećim propisima o kvaliteti proizvoda u BiH i biti saglasan deklaraciji na ambalaži.

Član 3.

Rok isporuke robe na adresu Kupca je 48 sati od uplate od strane Kupca.

Član 4.

Prilikom prijema robe Kupac je dužan potpisom i pečatom potvrditi da se količina robe koja je štampana na fakturi podudara sa stvarnom količinom.

Svaka reklamacija nakon količinskog prijema robe, neće se uvažiti.

III CIJENA ROBE

Član 5.

Ugovorne strane su saglasne da se kupoprodaja robe obavlja prema važećem cjenovniku Dobavljača.

IV USLOVI I NAČIN PLAĆANJA

Član 6.

Plaćanje će se izvršiti u roku od 30 dana od dana zaprimanja računa za stvarno isporučenu robu.

Plaćanje se obavlja na žiroračun Dobavljača. Kupac ne prihvata avansno plaćanje i traženje sredstava osiguranja plaćanja.

Ukupna plaćanja Dobavljaču bez PDV-a na temelju sklopljenog ugovora ne smiju prelaziti iznos od **2.000,00 KM** na godišnjem nivou.

Dobavljač je dužan izdati fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

V OBAVEZE KUPCA

Član 7.

Prilikom zaključenja ovog ugovora Kupac je dužan Dobavljaču dostaviti:

- Rješenje o registraciji u sudskom registru nadležnog suda
- Uvjerenje o PDV registraciji

Dobavljač može tražiti da Kupac dostavi i drugu dokumentaciju koja je od značaja za izvršavanje ugovornih obaveza.

Član 8.

Kupac je u obavezi preuzeti isporučenu robu neposredno po isporuci i na dogovorenom mjestu, kao i preduzeti sve potrebne radnje da bi isporuka bila moguća.

VI OBAVEZE DOBAVLJAČA

Član 9.

Dobavljač se obavezuje Kupcu, za vrijeme trajanja ovog ugovora, dobavljati naručeni asortiman artikala, pojedinačnu narudžbu realizovati u cjelini najkasnije u roku od 48 sati od dostavljanja narudžbe i izvršene uplate s tim da je realizacija narudžbe u djelomičnim isporukama dozvoljena samo uz prethodni dogovor Dobavljača i Kupca.

Član 10.

Dobavljač odgovara za materijalne nedostatke isporučene robe koje je ona imala u času isporuke Kupcu, bez obzira na to da li mu je to bilo poznato.

Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga.

Član 11.

Do isporuke robe Kupcu rizik slučajne propasti ili oštećenja snosi Dobavljač, a s izvršenom isporukom rizik prelazi na Kupca.

VII STUPANJE UGOVORA NA SNAGU

Član 12.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Svi rokovi u vezi s ovim ugovorom računaju se od dana stupanja ugovora na snagu.

VIII PRIMJENA ZAKONA O OBLIGACIONIM ODNOSIMA

Član 13.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

IX RJEŠAVANJE SPOROVA

Član 14.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

X OSTALE ODREDBE

Član 15.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 16.

Ovaj Ugovor je sačinjen u 2 istovjetna primjerka od kojih svaka ugovorna strana zadržava po 1 primjerak.

Dobavljač:
„TRAVIS“.

TRAVIS
d.o.o.
IZVOZNI I USLUŽBE
SARAJEVO

direktor


Broj: 01-2019

Datum: 29.12.2017. godine

Kupac:

JU Centar „Vladimir nazor“

mr. sci. Mersudin Kadrić, v.d. direktor



Broj: 01-1714/171

Datum: 29.12.2017. godine